

HOSEA

JEPTA 1

[1.1] Eñin Naan an Jeova eo ear itok ñan Hoseia, nejin Beri, ilo raan ko an Uzzaia, Jotam, Ehaz, im Hezekaia, kiñ ro in Juda, im ilo raan ko an Jeroboam, nejin Joash, kiñ in Israel.

[2] Ke Jeova ear jino in kōnono ippān Hoseia, Jeova ear ba ñan Hoseia, “Kwōn etal im bōk juon pāleōm, e ri ļōñ im nejin ļōñ, bwe eļap an āneo ļōñ kōn aer iļok jān Jeova.”

[3] Innām ear iļok im bōk Gomer nejin Diblaim, im ear etta im keotak ñan e juon ļaddik.

[4] Im Jeova ear ba ñan e, “Kwōn likūt etan Jezriel, bwe mōttan jidik Inaaj kajeik mōn Jihu kōn bōtōktōken Jezriel, im Inaaj kajemļok aelōñ eo an mōn Israel.

[5] Innām enaaj āindein ilo raan eo, Inaaj bwiļok lippōn eo an Israel ilo kōmlaj in Jezriel.”

[6] Innām lio ear bar etta, im ear keotak juon leddik. Im Ear ba ñan e, “Kwōn likūt etan Lo-Ruhama, bwe I ban bar tūriamokake mōn Israel bwe in joļok aer bōd ñan jidik.

[7] Ak Inaaj tūriamokake mōn Juda, im Inaaj lomōoren e kōn Jeova aer Anij, ak Iban lomōoren e kōn lippōn ak jāje ak tariņae ak kiria ko ak ro rej uwe ion kiria.”

[8] Innām ke ear kaliktūt Lo-Ruhama, ear etta im keotak juon ļaddik.

[9] Im Ear ba, “Kwōn likūt etan Lo-Ammi, bwe komij jab armej ro doō, im I jab ami.”

[10] Ak oran ro nejin Israel enaaj āinwōt bok in lojet eo ejjeļok emaroñ joñwe ak bwini. Im enaaj āindein bwe ilo jikin eo emōj ba ñan er, ‘Komij jab armej ro doō,’ naaj ba ñan er, ‘Ro nejin Anij e mour.’

[11] Im ro nejin Juda im ro nejin Israel renaaj jimor kweiļoktok, im renaaj kākālōt juon irooj ioyer, im renaaj wanlōñļok jān āneo, bwe raan in Jezriel enaaj ļap.

JEPTA 2

[2.1] Komwin ba ñan ro jimjeim jimjātem ļaddik, ‘Armej ro doō,’ im ñan ro jimjeim jimjātem leddik, ‘Emōj tūriamoktake e.’

[2] Kwōn akweļap ippān jinōm, akweļap, bwe e jab lio pāleō, im I jab ļeo pāleen. Innām en joļok ļōñ ko an jān imaan im ettoon ko an jān ikōtaan ittin,

[3] ñe ab ij kakelwaan e im kwaļok e āinwōt ilo raan eo ear ļotak. Im Inaaj kōmman e āinwōt juon āne jemaden im likūt e āinwōt juon āne e mōrā im man e kōn maro.

[4] Im I ban tūriamokake ro nejin, bwe rej nejin ļōñ.

[5] Bwe jineir ear ļōñ; eo ear ettaik er ear kōmman men in kajookok. Ear ba, ‘Inaaj etal ālikin ro jera ro rej litok aō pilawe im aebōj, aō kooļan sip im linen, aō oil im dān in idaak.

[6] Kōn men in Inaaj wōrwōr ial eo an kōn kālōklōk ko, im Inaaj kiili bwe en jab maroñ lo ial eo an.

[7] Im enaaj lukworkwor ro jeran im jab tōpar er, im enaaj pukōt er im jab lo er; innām enaaj ba, ‘Inaaj etal im roļ ñan ļeo ippa mokta, bwe ilo kar iien eo ear emman ippa jān kiiō.’

[8] Ak e jab jeļā bwe ear Ņa eo ear leļok ñan e korn im wain eo ekāāl im oil, im Iar korļok silver im gold ñan e, ko raar kajerbale ñan Beal.

[9] Kōn men in Inaaj bar bōk Aō korn ilo iien eo an im Aō wain ekāāl ilo iien eo ekkar; im Inaaj bōkļok Aō kooļan sip im linen, eo ear ñan kalbubu an keelwaan.

[10] Im kiiō Inaaj kaalikkar an ettoon imaan mejen ro jeran; im ejjelok enaaj lomōoren e jān peiō.

[11] Im Inaaj kabōjrak aolep iien mōñōñō ko an; kwōjkwōj ko an, an allōñ ko rekāāl, im Jabōt ko an, im aolep kweiok ko an emōj jiroñ kaki.

[12] Im Inaaj kōkkure vain ko an im wōjke fig ko an ko ear ba kake ‘Erkein oñeaō ko ro jera rar litok ñan eō.’ Ak Inaaj kōmman men kan juon bukwōn wōjke, im men in mour ko an meļaaaj renaaj kañi.

[13] Innām Inaaj kajeik e kōn raan ko an Beal ko ke ear kaijurjur ñan er, im ear make kainōknōk e kōn diede im kein kainōknōk ko an, im ear etal ļoor ro jeran, ak ear meļokļok Eō,” Jeova ej ba.

[14] “Kōn men in, lo, Inaaj kareel e im āñinok e ñan āne jemaden eo, im Inaaj kōnono jouj ñan e.

[15] Im jān ijo Inaaj leok ñan e jikin vain ko an im kōmlal in Ekor bwe en juon kōjām in kōjatdikdik. Im enaaj al ie āinwōt ilo raan ko ke ear emman ded im āinwōt ilo raan eo ear wanlōñok jān ljipt.

[16] Im ilo raan eo,” Jeova ej ba, “kwōnaaj ba ñan Eō ‘Leo pāleō,’ im kwō ban bar ba ñan Eō ‘aō Irooj.’

[17] Bwe Inaaj bōklōk āt ko etan Beal ko jān loñin, im e ban bar kememej āt ko etaer.

[18] Ilo raan eo Inaaj kōmman juon bujen kōn er ippān men in mour ko an meļaaaj im bao ko in mejatoto im men in tōbalbal ko ion laļ. Im Inaaj joļok lippoōn im jāje im tariņae jān āneo, im Inaaj kōbbabu er ilo ejjelok uwōta.

[19] Im Inaaj pāleik eok ñan indeeo, im Inaaj pāleik eok ilo wānōk im jimwe im jouj im tūriamo.

[20] Im Inaaj pāleik eok ilo mool, innām kwōnaaj jeļā Jeova.

[21] Im ilo raan eo Inaaj uwaak,” Jeova ej ba. “Inaaj uwaak lañ ko, im renaaj uwaak laļ.

[22] Im laļ enaaj uwaak korn eo, im wain ekāāl, im oil; im renaaj uwaak Jezriel.

[23] Innām Inaaj jeor e ñan Eō ilo āneo, im Inaaj tūriamokake Lo-Ruhama, im Inaaj ba ñan Lo-Ammi, ‘kwe armej eo doō,’ im enaaj ba ‘Aō Anij.’”

JEPTA 3

[3.1] Innām Jeova ear ba ñan eō, “Kwōn etal im yokwe wōt kōrā eo meñe ewor jeran eo ej yokwe e, im e juon ri ļōñ, āinwōt yokwe an Anij ñan ro nejin Israel ro raar jalok ñan anij ro jet im yokwe kek in grep remōrā.”

[2] Innām iar wiaik e ñan eō kōn joñoul ļalem mōttan silver im juon jimattan omer in barli.

[3] Im iar ba ñan e, “Kwōnaaj pād ippa iumwin elōñ raan; kwō ban ļōñ, im kwō ban an bar juon emman; im barāinwōt ña, inaaj am wōt.”

[4] Bwe iumwin elōñ raan ro nejin Israel renaaj pād im enaaj ejjelok kiñ ak irooj ak katok ak jur dekā ak epod ak ekjab.

[5] Ālikin, ro nejin Israel renaaj rool im pukōt Jeova aer Anij im Devid aer kiñ, im renaaj itok im lōñōñ ñan Jeova im An emman ilo raan ko relikata.

JEPTA 4

[4.1] Komwin roñjake Naan in Jeova, kom ro nejin Israel, bwe ewor an Jeova keej ñae ro rej jokwe ilo āneo, bwe ejjelok mool, im ejjelok jouj, im ejjelok jeļā kōn Anij ilo āneo.

- [2] Ewor kanejnej im moņ im uror im koņot im ļoņ; rej koķkure im eļap aer katōorļok bōtōktōk.
- [3] Kōn men in, āneo ej liaajļo], im aolep ro rej jokwe ilo e re moņņoļok koba men in mour ko an meļaa], im bao in mejatoto, im barāinwōt ek in ļōmalo re jakoļok.
- [4] Ak ejjelok en keej ak akwāāl ippān bar juon, bwe armej ro doomņ rej āinwōt ro rej keej ņae pris.
- [5] Im koņ naaj tipņōl ilo raan, im ri kanan eo enaa] tipņōl ilo boņ ippaņ; im Inaa] maņ jinōmņ.
- [6] Eņōj maņ armej ro doō kōn an ejjelok jeļāļokjeņ. Kōn aņ kar abwin jeļāļokjeņ, Inaa] abwin bwe kwōn Aō pris. Im kōn aņ kar meļokļok kien in aņ Anij, Inaa] barāinwōt meļokļok ro nejōmņ.
- [7] Ke raar orļok, eļap aer kar jerowiwī ņae Eō. Inaa] ukōt aer aiboojoj ņan jook.
- [8] Rej kaņi jerowiwī ko an armej ro doō; im eņmaņ ippaer nana ko aer.
- [9] Im enaa] āindein bwe armej ro renaaj āinwōt pris ro, im Inaa] kajeik er kōn ial ko aer, im inaa] kejeplaak kōmmaņ ko aer ioer.
- [10] Im renaaj moņā im jab mat; renaaj ļoņ ak jab orļok, bwe rejab bar eoroņ Jeova.
- [11] Lōņ im wain im wain ekāāl rej bōkļok būru.
- [12] Armej ro doō rej kajjitōk ippān aļaj ko aer, im jokwōnōn ko aer rej kwaļok ņan er. Bwe juon jetōb in ļoņ ear kejebwābweik er, im rej ļoņ jān aer Anij.
- [13] Rej katok ion jabōn tol ko, im ion bat ko rej kaijurjur iuņwin wōjke ok ko, poplar ko, im terebinth ko, bwe eņmaņ loreir. Kōn men in liņaro nejōmi renaaj kijoņ im liņaro pāleemi renaaj ļoņ.
- [14] I ban ekajet liņaro nejōmi kōn kijoņ ko aer ak liņaro pāleemi kōn ļoņ ko aer kōnke ļōmaņan, rej koba ippān ro ri ļoņ, im rej katok ippān kōrā ro re kijoņ; im armej ro re jajeļokjeņ renaaj jorrāān.
- [15] Meņe kwōj ļoņ, Israel, lale ear wor ruōn Juda, im kwōn jab etal ņan Gilgal, ak wanlōņļok ņan Bet-even, ak kanejnej “āinwōt Jeova ej mour.”
- [16] Israel e bōt āinwōt juon kau kokōrā e bōt. Kiiō Jeova emaroņ ke naajdik er āinwōt sip ilo juon jikin e depakpak?
- [17] Eņōj an Ipreimm koba ippān ekjab ko; kwōn likūt e wōt.
- [18] Emat dān in kadek ko aer; rej ļoņ aolep iien; irooj ro an eļap aer yokwe jook.
- [19] Kōto eo ej lukwōji er ilo pein; renaaj jook kōn katok ko aer.”

JEPTA 5

- [5.1] “Koņwin roņjake men in, pris ro; im koņwin eltok, moņ Israel, im kajirtok lojilņōmi moņ kiņ, bwe ewor ekajet ņan koņ; bwe koņ ar juon aujīd ņan Mizpa im juon ok eņōj erļoke ion Tebor.
- [2] Ro ri juņae eļap aer maņmaņ, ak Inaa] kauweik aolepeir.
- [3] Ņa, I jeļā Ipreim, im Israel e jab nojak jān Eō, bwe kiiō kwe, Ipreim, kwōj ļoņ, im Israel ettoon.
- [4] Kōmmaņ ko aer re ban kōtļok er bwe ren roļ ņan aer Anij, bwe juon jetōb in ļoņ ej ibuleir, im re jab jeļā Jeova.
- [5] Juwa eo an Israel ej kōnnaan ņae e make, im Israel im Ipreim rej tipņōl ilo aer jerowiwī; barāinwōt Juda ej tipņōl ippaer.

[6] Kōn bwijin sip ko aer im bwijin kau ko aer renaaj wanlōñl̥ok in pukōt Jeova, ak re ban lo E; Ear i̥l̥ok j̥an er.

[7] Rar jab tiljek ñan Jeova, bwe rar keotak nejin ruwamaejet ro. Kiiō allōñ ko rekāāl enaaj kañ er ippān jolōt ko aer.

[8] Komwin ukwi jilel ilo Gibia im kornet ilo Rema; kairuj ilo Bet-even: “Ālikōm, Benjamin!”

[9] Ipreim enaaj jeepepl̥ok ilo raan in kauwe eo; ibwiljin bwij ko an Israel Ij kōjjeļ̥ā men eo ej alikkar.

[10] Irooj ro in Juda rej āinwōt ro rej ikūr kōtaan wāto ko; Inaaj lutōk̥l̥ok Aō illu ioyer āinwōt dān.

[11] Ematōrtōr im eobōp Ipreim ilo ekajet kōnke ear kōḡaan ļoor kien armej.

[12] Innām Ij āinwōt juon dile ñan Ipreim im kōt ñan mōn Juda.

[13] Ke Ipreim ear lo an nañinmej, im Juda kinej eo kinjen, Ipreim ear etal ñan Assiria, im ear jilkin̥l̥ok ñan Kiñ Jareb; ak e jab maroñ kemour kom ak kamo kinej eo kinjemi.

[14] Bwe Ña Inaaj āinwōt juon laion ñan Ipreim im āinwōt juon laion edik ñan mōn Juda; Ña, aet, Ña, Inaaj kekel im i̥l̥ok; Inaaj bōk̥l̥ok im enaaj ejjeļ̥ok ñan ļomḡor.

[15] Inaaj i̥l̥ok im roḡol ñan jikiō mae iien rej kile rueir im pukōt Meja; ilo aer jorrāān renaaj kanooj kapukōt Eō.

JEPTA 6

[6.1] “Itok im jen jep̥laak ñan Jeova, bwe Ear kekel, ak Enaaj kemour kōj; Ear man, ak Enaaj kūtimi kōj.

[2] Ālikin ruo raan Enaaj kemour kōj; ilo raan eo kein ka jilu Enaaj kajerkak kōj bwe jen mour iḡaan.

[3] Jen jeļ̥ā, jen kate kōj bwe jen jeļ̥ā Irooj. An waļ̥ok enaaj tiljek āinwōt ñe e tak aļ; Enaaj itok ñan kōj āinwōt wōt, āinwōt wōt ko ālik eo ej wutdikdik laļ.”

[4] “Ta eo In kōmḡane ippam, Ipreim? Ta eo In kōmḡane ippam, Juda? Bwe ḡool eo ami ej āinwōt kōḡo in jibboñ im āinwōt ḡōlawi eo eḡōkaj an i̥l̥ok.

[5] Kōn men in Iar bukwe kōn ri kanan ro Aō; Iar man er kōn naan ko an loñiō; im ekajet ko am rej āinwōt meram eo ej waļ̥ok.

[6] Bwe Ij ḡōñḡōñ kake ḡool j̥an katok, im jeļ̥ā kōn Anij j̥an katok kijeek.

[7] Ak er, āinwōt Adam, raar kōkkure bujen eo; raar kōmḡan jeļ̥ā ḡon ñan Eō ijo.

[8] Giliad ej juon jikin kwei̥l̥ok in ro re nana; elōñ jenok re bōtōktōk ie.

[9] Āinwōt ro ri rakim rej kattar armej, āindein juon jar in pris rej uror ilo ial ñan Shekem; eḡool rar kōmḡan pepe ko renana.

[10] Iar lo juon nana eļap ilo ḡōn Israel; ļōñ ko an Ipreim rej ijo; eḡōj kattoon Israel.

[11] Barāinwōt, Juda, eḡōj pepe juon ḡadḡōd kōn kwe, ñe Ij kajep̥laak jeraamḡan ko an armej ro doō.

JEPTA 7

[7.1] Ñe I kōḡaan kemour Israel, e alikkar ruōn Ipreim im nana an Sameria, bwe raar kōmḡan ḡon; im ri kōḡo eo ej deļ̥oñ; ro ri rakim rej kōḡo nabōj.

[2] Im re jab ļōmḡak ilo būrueir bwe Ij kememej aolep nana ko aer; kiiō kōmḡan ko aer rej kōpooļ er; rej iḡaan Meja.

[11] Meñe Ipreim ear korļok lokatok ko ñan jerowiwī, rar erom lokatok in jerowiwī ñan e.
 [12] Iar je ñan e elōñ men an kien ko Aō, ak eṃōj watōki kōjak.
 [13] Ikiĵien katok ko Aō rej litok, rej katok kake kanniōk, im rej kañe, ak Jeova e jab buñbūrueir. Kiiō enaaj kememej nana ko aer im ekajet jerowiwī ko aer; renaaj roļ ñan Iĵipt.
 [14] Israel ear meļokļok Ri Kōmanman eo an im kalek mōko mōn irooj ko; im Juda ear korļok jikin kweiļok ko ewor aer worwor. Ak Inaaj jilkinļok kijeek ion jikin kweiļok ko an, im enaaj kañ moko imweir remman.

JEPTA 9

[9.1] Kwōn jab lañlōñ Israel kōn juon lañlōñ āinwōt eo an ri aelōñ ko, bwe kwar ļōñ jān Anij eo aṃ; kwar yokwe oņean ļōñ ioon jikin deñdeñ wit otemjej.
 [2] Jikin deñdeñ im kein joniōk grep reban najdik er, im wain ekāil enaaj likjab jān er.
 [3] Re ban pād wōt ilo āne in Jeova, ak renaaj roļ ñan Iĵipt, im ilo Assiria renaaj mōñā men ko rettoon.
 [4] Re ban lutōkļok wain ñan Jeova, im katok ko aer re ban kabuñbūruen; renaaj ñan er āinwōt pilawe an ro rej liaajļo; aolep ro rej mōñā renaaj ettoon, bwe pilawe ko aer renaaj ñan er wōt; e ban deļoñ ilo mōn Jeova.
 [5] Koṃ naaj kōmman ta ilo raan in kweiļok ko im ilo raan in kwōjkwōj an Jeova?
 [6] Bwe, lo, rej etal jān jorrāān, Iĵipt enaaj kokweiļoktok er; Mempis enaaj kalibwin er. Wūjooj waan enaaj eddek ilo jikin mweiuk silver ko aer re aorōk; kālōklōk ko renaaj ilo im nuknuk ko aer.
 [7] Raan ko raan in ekajet rej itok; raan ko raan in iden-oņe rej itok; Israel en jeļā! Ri kanan eo e bwebwe, im armej in jetōb e wūdeakeak, kōnke bōd ko aṃ re lōñ im eļap kōjdāt.
 [8] Ipreim ear juon ri kōjjaad ippān aō Anij; ri kanan eo ej juon auĵiid an juon ri kabao ilo ial ko an otemjej, kōjdāt ej ilo mōn Anij eo an.
 [9] Ekanooj ļap aer ettoon āinwōt ilo raan ko an Gibia. Enaaj kememej nana ko aer; Enaaj ekajet jerowiwī ko aer.
 [10] Iar lo Israel āinwōt grep ko ilo āne jemaden; Iar lo ro jememi āinwōt leen mokta an wōjke fig ko ilo jinoin. Ak rar etal ñan Beal-Pior im make ajeļok er ñan men in kajookok, im rar erom āinwōt men in kajōjō eo rar yokwe.
 [11] Kōn Ipreim, aiboojoj eo an enaaj kālōk āinwōt juon bao – ejjeļok ļotak, ejjeļok bōrōro, ejjeļok etta!
 [12] Eļañe ewor nejeir rej kaajiririk, I naaj kōmman bwe en jako nejeir māe iien ejjeļok eṃmaan ej pād wōt. Aet, wo ñan er ñe Ij iļok jān er!
 [13] I ļak lale, eṃōj ekkat Ipreim ilo juon jikin eṃman āinwōt Tair; ak Ipreim enaaj kadiwōjļok ro nejin ñan ri manman eo.
 [14] Kwōn leļok ñan er, Jeova – Kwōnaaj leļok ta ñan er? Kwōn leļok jikin niñniñ e war im tūt ko re mōrā.
 [15] Aolep nana ko aer ej ilo Gilgal; aet, Iar jino in dike er ijo! Kōn an nana kōmman ko aer, Inaaj ubaakeļok er jān mweo Iṃō; I ban bar yokwe er; aolep irooj ro aer rej ri jumae.
 [16] Eṃōj man Ipreim, okraan e mōrāļok; e jab jebar leen. Im eļañe rej keotak, Inaaj man ro jitenbōro jān jikin niñniñ ko aer.

[17] Aō Anij enaaj joļok er kōnke rar jab eoroñ E; im renaaj ri itoitak ibulōn aelōñ ko.

JEPTA 10

[10.1] Israel ej juon vain e kouwa; ej jebar leen ñan e make. Ke ear lōñļok leen, elōñļok lokatok ko ear kōmmani; ke emmanļok āne eo, ear kōmmanmanļok joor ko an.

[2] Būrueir re jab mool; kiiō e alikkar rueir. Enaaj rupe lokatok ko aer; Enaaj kajeepelok joor ko aer.

[3] Innām kiiō renaaj ba, “Ejjeļok ad kiñ kōnke jaar jab mijak Jeova; im ta eo juon kiñ emaroñ kar kōmman ñan kōj?”

[4] Rej kōnono naan wōt; rej kōmman bujen kōn kanejnej ko re riab; innām ekajet ej eddeļok āinwōt wūjooj e paijin ilo jikur ko an meļaa.

[5] Ro rej jokwe ilo Sameria rej mijak kōn kau kokōrā eo emman dettan an Bet-even. Aet, armej ro an renaaj liaajla kōn e, im pris ro an ekjab ko ro rar lañlōñ kōn aiboojoj eo an, bwe emootļok.

[6] Renaaj bōkļok e ñan Assiria āinwōt juon men in leļok ñan Kiñ Jareb; Ipreim e bwilok māj; Israel e jook kōn pepe ko an.

[7] Kōn Sameria, kiñ eo an renaaj jako āinwōt juon aļaj ioon mejen dān ko.

[8] Kab jikin ko reutiej an Even, jerowiwī eo an Israel, renaaj kajeepelok; kālōklōk im mar kuj renaaj eddek ion lokatok ko aer. Innām renaaj ba ñan toļ ko “Kalibubuik kōm,” im ñan bat ko “Wōtļok iom.”

[9] O Israel, kom ar jerowiwī jān raan ko an Gibia. Ijo rar jutak. Tariņae eo ñae ri nana ro ilo Gibia eban anjo ior ke?

[10] Ñe I kōñaan, Inaaj kajeik er, im elōñ armej renaaj kweiļokļok ñae er ñe liāpe er kōn nana ko ruo ko aer.

[11] Ipream ej juon kau kokōrā emman ded eo emōj katakin e, im emman ippān juri; ak Inaaj likūt juon ine ioon kenwaan emman. Inaaj kōmman bwe Ipreim en aik, Juda enaaj plau, Jekob enaaj tōblaļe bwidej ippān make.

[12] Komwin jeor ñan kom ilo wānōk; mađmōd ilo jouj; tōblaļe bwidej eo ami ejañin tōblaļ. Bwe ej iien pukōt Jeova maē iien Ej iwōj ej kowōt wānōk iomi.

[13] Kom ar plau nana; kom ar mađmōd jab wānōk; kom ar mōñā leen riab; bwe kwar lōke ial ko aṃ, ri kajoor ro aṃ relōñ.

[14] Innām juon iruij enaaj waļok ibwiljen armej ro doom, im aolep me ko aṃ renaaj jeepeļok āinwōt Salmon ear kajeepelok Bet-arbel ilo raan in tariņae, ke emōj ekababe jineir ippān ro nejeir.

[15] Āindein enaaj waļok ñan eok, Betel, kōn an nana nana ko aṃ. Ke e raantak, kiñ eo in Israel enaaj kanooj jako.

JEPTA 11

[11.1] Ke Israel ear emman ded, Iar yokwe e, im Iar kūrtoke leo nejiō jān Ijipt.

[2] Ke rar kūr er, eļapļok aer kar iļok jān er. Rar katok ñan Beal ko im kajurjur ñan ekjab ko.

[3] Im Ña, Iar katakin Ipreim etetal im bōk er ilo peiō; ak re jab jeļā bwe Ña eo ear kemour er.

[4] Iar ipertok er kōn to ko an armej im to in yokwe; Iar ñan er āinwōt juon eo ej kotak ine ioon atlaļ ko aer, im Iar jillok bwe in naajdik e.

- [5] E ban roḡol ñan āne in Ijīpt, ak Assiria enaaj kiñ eo an, bwe raar abwin roḡtok.
- [6] Jāje enaaj epālpāl ilo jikin kweiḡok ko an im koḡkure ine ko an, im enaaj kañ pepe ko aer.
- [7] Armej ro doḡ re pen ilo aer kōḡaan oktak jān Eō; meñe rej kūr er ñan Eo Eutiejtata, E ban koutiej er ñan jidik.
- [8] Ekōjkan Aō maroñ leḡok eok, Ipreim? Ekōjkan Aō maroñ joḡok eok, Israel? Ekōjkan aō maroñ kōmman eok āinwōt Adma im likūt eok āinwōt Ziboim? Būruō ej oktak ilowaō; ebwil aolep tūriamō ko Aō.
- [9] I ban kwaḡok Aō illu ebwil; I ban bar koḡkure Ipreim; bwe Ña Anij im jab armej, Eo e kwōjarjar ibwiljōm, im I ban itok ilo illu.
- [10] Renaaj ḡoor Jeova; Enaaj ñūrñūr āinwōt juon laion. Ñe Ej ñūrñūr, ro nejin renaaj itok im wudidid jān kapilōñ.
- [11] Renaaj wudidid āinwōt juon bao jān Ijīpt im āinwōt juon mule jān āne in Assiria, im Inaaj kōmman bwe ren jokwe ilo moko imweir,” Jeova ej ba.
- [12] “Ipreim ej kapool eō kōn riab im mōn Israel kōn mon, kab Juda e jab kōttāik e ñan Anij, aet ñan Eo Ekwōjarjar im tiljek.”

JEPTA 12

- [12.1] Ipreim ej mōñā kōto im ej lukwarkwar kōto jān reaar aolep raan. Ej korḡok riab im koḡkure. Im ej kōmman juon bujen ippān Assiria, im rej bōkḡok oil ñan Ijīpt.
- [2] Ewor juon keej an Jeova ḡae Juda, im Enaaj kajeik Jekōb ekkar ñan ial ko an; Enaaj ḡa oḡean ekkar ñan kōmman ko an.
- [3] Ilo loḡien ear jibwe jimwin neen ḡeo jein, im ke e rūtto, ear likarek ippān Anij.
- [4] Ear oktaak ippān enjel eo im bōk anḡo ion. Ear jañ im kajjitōk I ppān kōn jouj; Ear lo e ilo Betel, Ear kōnono ipped ijo.
- [5] Aet, Jeova, Anij in inelip, Jeova ej āt in kememej eo An.
- [6] Innām komwin roḡol ñan am Anij, kōjparok jouj im jimwe, im kattar am Anij aolep iien.
- [7] Ej juon ri wia; ilo pein ewor kein joḡwe re riab; emman ippān ālikinjipjip.
- [8] Im Ipreim ear ba, “Kiiō I mweii; iar lo elōñ mweiuik ñan eō. Ilo aolep jermal ko aō, re ban lo ruō eo ej jerḡwiwi.”
- [9] Ak Ña Jeova am Anij jān āne in Ijīpt. Inaaj kōmman wōt bwe kwōn jokwe ilo im nuknuk āinwōt ilo raan ko in kwōjkwōj.
- [10] Im Iar kōnono kōn ri kanan ro im Ña, Iar korḡok vision ko, im Iar kōmman waan joñak kōn pein ri kanan ro.
- [11] Ewor ke ruōn Giliad? Ilo mool ejjeḡok tokjāer; ilo Gilgal rej katok kōn kau komaan, kab loktak ko aer rej āinwōt ajokḡā iturin jikur ko in meḡaaj.
- [12] Jekob ear ko ñan āne in Siria, im Israel ear jermal kōn juon pāleen, im kōn pāleen ear lale sip.
- [13] Im kōn juon ri kanan, Jeova ear bōklōñḡok Israel jān Ijīpt, im kōn juon ri kanan, emōj kōjparok e.
- [14] Ipreim ear kaillu im kameḡ E; innām Irooj eo an enaaj likūt ruōn kōn katḡorḡok bōtōktōk ion im karḡol kinaak eo an ḡa ion.

JEPTA 13

[13.1] Ke Ipreim ear kōnono, ear wor wudidid; ear utiej ilo Israel; ak ear bōd kōn Beal, im ear mej.

[2] Im kiiō rej kaļapļok aer jerowiwī, im rej kōmman ñan er men in unļok ko, ekjab ko kōmman kōn kapeel jān jelba ko aer, im aolepeir ro ri jerbale jelba raar kōmmani. Rej ba kōn men kan, “Armej ro rej katok ren umaek kon in kau ko!”

[3] Kōn men in renaaj āinwōt kōdɔ in jibboñ im mōļowī ilo raantak eo enaaj jako; āinwōt kilin wiit eo kōto ej bōkiļok jān jikin deñdeñ eo im āinwōt baat jān juon upaaj.

[4] Ak Ņa Jeova aṃ Anij jān āneen Ijipt. Im koṃwin kar jab jeļā jabdewōt anij ijeļļokū, bwe ejjeļok Ri Lomɔɔr ijeļļokū.

[5] Ņa, Iar jeļā eok ilo āne jemaden eo, ilo āne eo e jowōtwōt.

[6] Ekkar ñan meļaaļ eo aer, raar mat; raar mat im ear utiej būrueir, im kōn men in raar meļokļok Eō.

[7] Innām Inaaj āinwōt juon laion ñan er; āinwōt juon leopard Inaaj kōjjad er ilo ial.

[8] Inaaj ioon er āinwōt juon bear eṃōj bōk nejin, im Inaaj kekel ubeir; Ijo Inaaj kañ er āinwōt juon laion, āinwōt juon men in mour an meļaaļ enaaj kekel er.

[9] O Israel, ej kōkkure eok, bwe kwōj ņae eō, Ņa, aṃ Ri Jipañ.

[10] Ewi kiñ eo aṃ kiiō bwe en lomɔɔrem ilo aolep jikin kweiļok ko aṃ, im ro ekajet ro aṃ kōn ro kwar kajjitōk im ba, “Letok juon kiñ im elōñ irooj?”

[11] Iar lewōj juon kiñ ilo Aō illu innām bōkļok e ilo Aō illu ebwil.

[12] Eṃōj lukwōje bōd ko an Ipreim im kōkōne jerowiwī ko an.

[13] Metak ko an iien keotak rej itok ioon. E jab juon nejin e mālōtlōt, bwe ilo iien eo, e jab pād ilo jikin keotak eo.

[14] Inaaj wiaik er jān kajoor an Hedis; Inaaj lomɔɔren er jān mej. Mej, ewi nañinmej eo aṃ? Hedis, ewi kōkkure eo aṃ? E ņojak tūriaṃo jān meja.

[15] Meñe e jeraamman ibwiljen jemjein jemjāten, juon kōto in reaar jān Jeova enaaj itok jān āne jemaden; im unin dān eo an enaaj mōrā, im aebōj eo an enaaj mōrā; enaaj rakimi jikin mweiuk in aolep mweiuk ko an remman.

[16] Ewor ruōn Sameria bwe ear juṃae Anij eo an. Renaaj buñ kōn jāje, naaj ekababe niñniñ ro nejeir, im mwijit kōrā ro aer re bōrɔro.

JEPTA 14

[14.1] Koṃwin rɔɔl ñan Jeova aṃ Anij, O Israel, bwe kwar tubbok kōn nana ko aṃ.

[2] Koṃwin bōk ippemi naan ko im rɔɔl ñan ippān Jeova; koṃwin ba ñan E, “Kwōn bōkļok aolpen ruōd, im bōk men eo eṃman, bwe kōmin lewōj leen tiem.

[3] Assiria eban lomɔɔrem; kōm ban uwe ion kiria, im kōm ban bar ba ‘anij ko amim’ ñan men in kōmanman ko an peōm; bwe ilo Kwe ro re atajinemjen rej lo tūriaṃo.”

[4] Inaaj kemour aer pirļok; Inaaj yokwe er ilo jouj, bwe Aō illu ear iļok jān er.

[5] Inaaj āinwōt mōļowī ñan Israel; enaaj ebbōl āinwōt juon kiōp, im okraan renaaj eddek āinwōt men ko an Lebanon.

[6] Juļ ko an renaaj eddek, im an aiboojoj enaaj āinwōt eo an juon wōjke oliv, im neman āinwōt men ko an Lebanon.

[7] Ro rej jokwe iumwin loren renaaj jeplaak; renaaj ekkat korn, im renaaj eddek ãinwõt juon vain. An buñbuñ enaaj ãinwõt wain eo an Lebanon.

[8] O Epreim, ta ekjab ko ñan Eõ jabdewõt iien? Ña eo Ij uwaak im lale e; Ña Ij ãinwõt juon wõjke fõr e maroro; leõm ej itok jãn Eõ.

[9] Wõn e mãlõtlõt? Enaaj mejeje men kein. Eo e jeļãļokjeñ, enaaj jeļã men kein. Bwe ial ko an Jeova re jimwe, im ro rū wãnõk rej etetal ilo er, ak ro re nana renaaj tubbøk ilo er.